

cans, neque bibens, & dicunt: Dæmónium habet.

19. Venit filius hominis manducans, & bibens, & dicunt: Ecce homo vorax, & potator vini, publicanorum, & peccatorum amicus. Et iustificata est sapientia à filiis suis.

20. Tunc cepit exprobrare civitatibus, in quibus facta sunt plurimæ virtutes eius, quia non egissent penitentiam.

* Luc. 10. 13.

21. * Væ tibi Corozain, væ tibi Bethsaida: quia, si in Tyro, & Sidone facta essent virtutes, quæ facta sunt in vobis, olim in cilicio, & cinere penitentiam egissent.

22. Verumtamen dico vobis Tyro, & Sidoni remissius erit in die iudicij, quam vobis.

23. Et tu Capharnaum, numquid usque in cælum exaltaberis? usque in infernum descendes. quia, si in Sodomis facta fuissent virtutes, quæ facta sunt in te, fortè mansissent usque in hanc diem.

24. Verumtamen dico vobis, quia terræ Sodomorum remissius erit in die iudicij, quam tibi.

† SANCTI MATHIÆ APOST.

Item

S. FRANC. CONFES.

SOR. Item

S. P. A. S. CHALIS BAYLON.

Item

P. L. U. R. M. A. R. T.

* Ioann. 6. 46. & 7. 28. & 8. 19. & 10. 15.

* Jerem. 6. 16.

25. † In illo tempore respondens Iesus dixit: Confiteor tibi, Pater, Domine cæli & terræ, quia abscondisti hæc à sapientibus, & prudentibus, & revelasti ea parvulis.

26. Ita Pater: quoniam sic fuit placitum ante te.

27. Omnia mihi tradita sunt à Patre meo. * Et nemo novit filium, nisi Pater: neque Patrem quis novit, nisi Filius, & cui voluerit filius revelare.

28. Venite ad me omnes, qui laboratis, & onerati estis, & ego reficiam vos.

29. Tollite iugum meum super vos, & discite à me, quia mitis sum, & humilis corde: & * inveniētis requiem animabus vestris.

30. Iugum enim meum suave est, & onus meum leve. ^

CAPUT XII.

Christus discipulos adversus Phariseorum criminationes defendit. Die sabbati manum aridam sanat; demoniacum cæcum & mutum curat: Phariseorum blasphemiam repellit. Perentibus signum, Iohannam Prophetam in signum futurae suae resurrectionis iis proponit.

Marc. 2. 23. Luc. 6. 1.

1. **I**N illo tempore abiit Iesus per fata sabbato: discipuli autem eius esu-

rientes cepérunt vellere spicas, & manducare.

2. Pharisei autem videntes, dixerunt ei: Ecce discipuli tui faciunt quod non licet facere sabbatis.

3. At ille dixit eis: Non legistis * quid fecerit David, quando esuriit, & qui cum eo erant: * 1. Reg. 21. 6.

4. quomodo intravit in domum Dei, & panes propositionis comedit, quos non licèbat ei edere, neque his, qui cum eo erant, * nisi solis sacerdotibus? * Lev. 24. 9. * Num. 28. 9.

5. Aut non legistis in lege * quia sabbatis sacerdotes in templo sabbatum violant, & sine crimine sunt?

6. Dico autem vobis, quia templo maior est hic.

7. Si autem sciretis, quid est: * Misericordiam volo, & non sacrificium: numquam condemnassetis innocentes: * 1. Reg. 15. 22. Eccles. 4. 17. Osee 6. 6. Sup. 9. 13.

8. Dominus enim est filius hominis etiam sabbati.

9. Et cum indè transisset, venit in synagogam eorum.

10. * Et ecce homo manum habens aridam, & interrogabant eum, dicentes: Si licet sabbatis curare? ut accusarent eum. * Marc. 3. 1. Luc. 6. 6.

11. Ipse autem dixit illis: * Quis erit ex vobis homo, qui habeat ovem unam, & si ceciderit hæc sabbatis in foveam, nonnè tenèbit, & levabit eam? * Deut. 22. 4.

12. Quantò magis melior est homo oves? Itaque licet sabbatis benefacere.

13. Tunc ait homini: Extende manum tuam. Et extendit, & restituta est sanitati sicut altera.

14. Exeuntes autem Pharisei, consilium faciebant adversus eum, quomodo perderent eum.

15. Iesus autem sciens recessit indè: & secuti sunt eum multi, & curavit eos omnes:

16. & præcepit eis nè manifestum eum facerent.

17. Ut adimpleretur quod dictum est per Isaiam prophetam, dicentem:

18. * Ecce puer meus, quem elegi, dilectus meus, in quo benè complacuit animæ meæ. Ponam spiritum meum super eum, & iudicium gentibus nunciabit. * Isai. 42. 1.

19. Non contendet, neque clamabit, neque audiet aliquis in platibus vocem eius:

20. arundinem quassatam non confringet, & linum fumigans non extinguet, donec ejiciat ad victoriam iudicium,

21. & in nomine eius Gentes sperabunt.

22. Tunc oblatus est ei dæmónium habens,

bens, cæcus, & mutus, & curavit eum ita ut loqueretur, & videret.

23. Et stupèbant omnes turbæ, & dicebant: Numquid hic est filius David?

* Supr. 9. 34.

Marc. 3. 22.

Luc. 11. 15.

* Luc. 11. 17.

24. * Pharisei autem audientes, dixerunt: Hic non ejicit dæmones nisi in Beelzebub principe dæmoniorum.

25. Iesus autem sciens cogitationes eorum, dixit eis: * Omne regnum divisum contra se, desolabitur: & omnis civitas, vel domus divisâ contra se, non stabit.

26. Et si sathanas sathanam ejicit, adversus se divisus est: quomodo ergo stabit regnum eius?

27. Et si ego in Beelzebub ejicio dæmones, filii vestri in quo ejiciunt? Ideò ipsi iudices vestri erunt.

28. Si autem ego in spiritu Dei ejicio dæmones, igitur pervenit in vos regnum Dei.

29. aut quomodo potest quisquam intrare in domum fortis, & vasa eius diripere, nisi prius alligaverit fortem? & tunc domum illius diripiet.

30. Qui non est mecum, contra me est: & qui non congregat mecum, spargit.

* Marc. 3. 28. & 29. Luca 12. 10.

31. * Ideò dico vobis: Omne peccatum, & blasphemia remittetur hominibus, spiritus autem blasphemia non remittetur.

32. Et quicumque dixerit verbum contra filium hominis, remittetur ei: qui autem dixerit contra spiritum sanctum, non remittetur ei neque in hoc sæculo, neque in futuro.

33. Aut facite arborem bonam, & fructum eius bonum: aut facite arborem malam, & fructum eius malum: siquidem ex fructu arbor agnoscitur.

34. Progenies viperarum, quomodo potest bona loqui, cum sitis mali? * ex abundantia enim cordis os loquitur. * Luc. 6. 45.

35. Bonus homo de bono thesauro profert bona: & malus homo de malo thesauro profert mala.

36. Dico autem vobis quoniam omne verbum otiosum, quod locuti fuerint homines, reddent rationem de eo in die iudicij.

† FER. 4. QUATR. TEMP. QUADR.

* Infr. 16. 4.

Luc. 11. 29.

1. Cor. 1. 22.

* Ion. 2. 1.

37. Ex verbis enim tuis iustificaberis, & ex verbis tuis condemnaberis.

38. Tunc † responderunt ei quidam de Scribis & Phariseis, dicentes: Magister, volumus à te signum videre.

39. Qui respondens ait illis: * Generatio mala, & adultera signum querit: & signum non dabitur ei, nisi signum * Ione prophete.

40. Sicut enim fuit Ionas in ventre ceti

tribus diebus, & tribus noctibus; sic erit Filius hominis in corde terræ tribus diebus, & tribus noctibus.

41. * Viri Ninivite surgent in iudicio cum generatione ista, & condemnabunt eam: quia penitentiam egerunt in prædicatione Ione. Et ecce plus quam Ionas hic. * Ion. 3. 5.

42. Regina austri surget in iudicio cum generatione ista, & condemnabit eam: quia venit à finibus terræ audire sapientiam Salomonis, & ecce plus quam Salomon hic. * 3. Reg. 10. 1. 2. Par. 9. 1.

43. * Cum autem immundus spiritus exierit ab homine, ambulat per loca arida, quærens requiem, & non invenit. * Luc. 11. 24.

44. Tunc dicit: Revértar in domum meam, unde exivi. Et veniens invenit eam vacantem, scopis mundatam, & ornâtam.

45. Tunc vadit, & assumit septem alios spiritus secum nequiores se, & intrantes habitant ibi: * & fiunt novissima hominis illius peiora prioribus. Sic erit & generationi huic pessima. * 2. Petr. 2. 20.

46. * Adhuc eo loquente ad turbas, ecce mater eius, & fratres stabant foris, quærentes loqui ei. * Marc. 3. 31. Luc. 8. 19.

47. Dixit autem ei quidam: Ecce mater tua, & fratres tui foris stant quærentes te.

48. At ipse respondens dicenti sibi, ait: Quæ est mater mea, & qui sunt fratres mei?

49. Et extendens manum in discipulos suos, dixit: Ecce mater mea, & fratres mei.

50. Quicumque enim fecerit voluntatem Patris mei, qui in cælis est: ipse meus frater, & soror, & mater est. ^

CAPUT XIII.

Septem à Christo Domino proponuntur parabola. Propheta est in patria sua sine honore.

1. **I**N illo die exiens Iesus de domo, sedebat secus mare.

2. * Et congregatae sunt ad eum turbæ multæ, ita ut in naviculam ascendens sederet: & omnis turba stabat in littore. * Marc. 4. 1. Luc. 8. 4.

3. & locutus est eis multa in parabolis, dicens: Ecce exiit qui seminat, seminare.

4. Et dum seminat, quædam ceciderunt secus viam, & venerunt volucres cæli, & comederunt ea.

5. Alia autem ceciderunt in petrosâ, ubi non habebant terram multam: & continuo exorta sunt, quia non habebant altitudinem terræ.

6. sole autem orto astuaverunt: & quia non habebant radicem, aruerunt.
7. Alia autem ceciderunt in spinas: & creverunt spinæ, & suffocaverunt ea.
8. Alia autem ceciderunt in terram bonam: & dabant fructum, aliud centesimum, aliud sexagesimum, aliud trigésimum.
9. Qui habet aures audiendi, audiat.
10. Et accedentes discipuli dixerunt ei: Quare in parabolis loqueris eis?
11. Qui respondens, ait illis: Quia vobis datum est nosse mysteria regni cælorum: illis autem non est datum.
12. * Qui enim habet, dabitur ei, & abundabit: qui autem non habet, & quod habet auferetur ab eo.
13. Idem in parabolis loquor eis: quia videntes non vident, & audientes non audiunt, neque intelligunt.
14. Et adimplerunt in eis prophetia Isaiæ dicentis: * Auditum audietis, & non intelligetis: & videntes videbitis, & non videbitis.
15. Incrassatum est enim cor populi huius, & auribus graviter audierunt, & oculos suos clausurunt: ne quando videant oculis, & auribus audiant, & corde intelligant, & convertantur, & sanem eos.
16. Vestri autem beati oculi quia vident, & aures vestra quia audiunt.
17. * Amen quippe dico vobis, quia multi propheta, & iusti cupierunt videre quæ videtis, & non viderunt: & audire quæ auditis, & non audierunt.
18. Vos ergo audite parabolam seminantis.
19. Omnis, qui audit verbum regni, & non intelligit, venit malus, & rapit quod seminatum est in corde eius: hic est qui secus viam seminatus est.
20. Qui autem super petrosam seminatus est, hic est, qui verbum audit, & continuo cum gaudio accipit illud:
21. non habet autem in se radicem, sed est temporalis. facta autem tribulatione & persecutioe propter verbum, continuo scandalizatur.
22. Qui autem seminatus est in spinis, hic est, qui verbum audit, & sollicitudo sæculi istius, & fallacia divitiarum suffocant verbum, & sine fructu efficitur.
23. Qui verò in terram bonam seminatus est, hic est qui audit verbum, & intelligit, & fructum affert, & facit aliud quidem centesimum, aliud autem sexagesimum, aliud verò trigésimum.

24. * Aliam parabolam proposuit illis, dicens: ¶ Simile factum est regnum cælorum homini, qui seminavit bonum semen in agro suo.
25. cum autem dormirent homines, venit inimicus eius, & superfeminavit zizania in medio tritici, & abiit.
26. Cum autem crevisset herba, & fructum fecisset, tunc apparuerunt & zizania.
27. Accedentes autem servi patrifamilias, dixerunt ei: Domine, nonne bonum semen seminasti in agro tuo? Unde ergo habet zizania?
28. Et ait illis: Inimicus homo hoc fecit: Servi autem dixerunt ei, Vis, imus, & colligimus ea?
29. Et ait: Non: ne forte colligentes zizania, eradicetis simul cum eis & triticum.
30. Sinite utraque crescere usque ad messem, & in tempore messis dicam mesforibus: Colligite primum zizania, & alligatæ ea in fasciculos ad comburendum, triticum autem congregatæ in horreum meum.
31. * Aliam parabolam proposuit eis dicens: ¶ Simile est regnum cælorum grano sinapis, quod accipiens homo seminavit in agro suo:
32. quod minimum quidem est omnibus seminibus: cum autem creverit, maius est omnibus olivibus, & fit arbor, ita ut volucres cæli veniant, & habitent in ramis eius.
33. Aliam parabolam locutus est eis. * Simile est regnum cælorum fermento, quod acceptum mulier abscondit in farinae satis tribus, donec fermentatum est totum.
34. Hæc omnia locutus est Iesus in parabolis ad turbas: & sine parabolis non loquebatur eis:
35. ut impleretur quod dictum erat per Prophetam dicentem: * Aperiam in parabolis os meum, eruocabo abscondita a constitutione mundi.
36. * Tunc, dimisis turbis, venit in domum: & accesserunt ad eum discipuli eius, dicentes: Ediffere nobis parabolam zizaniorum agri.
37. Qui respondens ait illis: Qui seminavit bonum semen, est Filius hominis.
38. Ager autem, est mundus. Bonum verò semen, hi sunt filii regni. Zizania autem, filii sunt nequam.
39. Inimicus autem, qui seminavit ea, est

* Marc. 4.
26.
† DOM. 5.
POST EPI-
PHAN. vel
26. POST
PENTEC.

* Marc. 4.
31.
Lucæ 13.
19.
† DOM. 6.
POST EPI-
PHAN. vel
27. POST
PENTEC.

* Luc. 13.
21.

* Psal. 77.
2.

* Marc. 4.
34.

CAPUT XIV.

- * Apoc. 14.
15. est diabolus. * Messis verò, consummatio sæculi est. Messores autem, angeli sunt.
40. Sicut ergo colliguntur zizania, & igni comburuntur: sic erit in consummatione sæculi.
41. mittet filius hominis angelos suos, & colligent de regno eius omnia scândala, & eos, qui faciunt iniquitatem:
42. & mittent eos in caminum ignis. Ibi erit fletus, & stridor dentium.
- * Sap. 3. 7.
Dan. 12. 3. 43. * Tunc iusti fulgebunt sicut sol in regno Patris eorum. Qui habet aures audiendi, audiat.
- † IN SUS-
CEPT. SS.
RELIQ.
Item, PRO
VIRG. ET
MART. 44. ¶ Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum.
45. Iterum simile est regnum cælorum homini negotiatori, querenti bonas margaritas.
46. Inventam autem unam pretiosam margaritam, abiit, & vendidit omnia quæ habuit, & emit eam.
47. Iterum simile est regnum cælorum sagænæ missæ in mare, & ex omni genere piscium congreganti.
48. quam, cum impleta esset, educentes, & secus litus sedentes, elegerunt bonos in vasa, malos autem foras miserunt.
49. Sic erit in consummatione sæculi: exhibunt angeli, & separabunt malos de medio iustorum,
50. & mittent eos in caminum ignis: ibi erit fletus, & stridor dentium.
51. Intellexistis hæc omnia? Dicunt ei: Etiam.
52. Ait illis: Idem omnis scriba doctus in regno cælorum, similis est homini patrifamilias, qui profert de thesauro suo nova & vetera.
53. Et factum est, cum consummasset Iesus parabolam istam, transit indem.
- * Marc. 6.
1. 54. Et * veniens in patriam suam, docebat eos in synagogis eorum, ita ut mirarentur, & dicerent: Unde huic sapientia hæc, & virtutes?
- Luc. 4. 16. 55. * Nonne hic est fabri filius? Nonne mater eius dicitur Maria, & fratres eius, Iacobus, & Ioseph, & Simon, & Iudas: 56. & sorores eius, nonne omnes apud nos sunt? Unde ergo huic omnia ista?
57. Et scandalizabantur in eo. Iesus autem dixit eis: Non est propheta sine honore, nisi in patria sua, & in domo sua.
58. Et non fecit ibi virtutes multas propter incredulitatem illorum.

Mors Ioannis Baptistæ. Miraculum de quinque panibus. Christus de nocte venit ambulans super aquas.

1. **I**N illo tempore audivit Herodes Tetrarcha famam Iesu: 14. 14. & ait pueris suis: Hic est Ioannes Baptista: ipse surrexit a mortuis, & ideo virtutes operantur in eo. Luc. 9. 7. 2. * Herodes enim tenuit Ioannem, & alligavit eum: & posuit in carcerem propter Herodiadem uxorem fratris sui. * Marc. 6. 17. Luc. 3. 19. 3. Dicebat enim illi Ioannes: Non licet tibi habere eam. 4. Et volens illum occidere, timuit populum: * quia sicut prophetam eum habebant. * Infr. 21. 26. 5. Die autem natalis Herodis saltavit filia Herodiadis in medio, & placuit Herodi. 6. Unde cum iuramento pollicitus est ei dare quodcumque postulasset ab eo. 7. At illa præmonita à matre sua, Damih, inquit, hic in disco caput Ioannis Baptistæ. 8. Et contristatus est rex: propter iuramentum autem, & eos, qui pariter recumbebant, iussit dari. 9. Misitque & decollavit Ioannem in carcere. 10. Et allatum est caput eius in disco, & datum est puellæ, & attulit matri suæ. 11. Et accedentes discipuli eius, tulerrunt corpus eius, & sepelierunt illud: & venientes nunciaverunt Iesu. 12. * Quod cum audisset Iesus, secessit indem in navicula, in locum desertum seorsum: & cum audissent turbæ, secutæ sunt eum pedestres de civitatibus. 13. Et exiens vidit turbam multam, & miseratus est eis, & curavit languidos eorum. 14. Vespere autem facto, accesserunt ad eum discipuli eius, dicentes: Desertus est locus, & hora iam præterit: dimitte turbas, ut euntes in castella, emant sibi escas. 15. Iesus autem dixit eis: Non habent necesse ire: date illis vos manducare. 16. Responderrunt ei: * Non habemus hic nisi quinque panes, & duos pisces. * Ioann. 6. 9. 17. Qui ait eis: Afferte mihi illos huc. 18. Et cum iussisset turbam discumbere super scenum, acceptis quinque panibus, & duobus piscibus, aspiciens in calum benedixit, & fregit, & dedit discipulis panes, discipuli autem turbis. 20. Et